



Prema nalogu Tužilaštva KS, uhapšene četiri osobe, pretreseni objekti na šest lokacija

Pali Radeljaš i saradnici, hajrovali milion maraka!

Esed Radeljaš osumnjičen je za ovjeravanje neistinitog sadržaja, podstrekivanje na zloupotrebu položaja, davanje dara i drugih oblika koristi te za pranje novca, kazala je Azra Bavčić iz Tužilaštva KS • Uhapšeni su i Jasmina Horo, Nedžad Kapetanović i Jusuf Čaušević • Nezakonita dodjela zemljišta u Općini Novi Grad

Policijski službenici Državne agencije za istrage i zaštitu (SIPA) jučer su u akciji "Blok", prema nalogu Tužilaštva Kantona Sarajeva, uhapsili Eseda Radeljaša, Jasminu Horo, Nedžada Kapetanovića i Jusufa Čauševića.

Ugovorne obaveze

U združenoj akciji, koja je počela u 4 ujutro, učestvovali su i pripadnici Ministarstva unutrašnjih poslova Kantona Sarajeva te policija Bosanskopodrinjskog kantona. Izvršeni su pretresi na šest lokacija radi izuzimanja dokumentacije i dokaza protiv uhapšene četvorke.

Esed Radeljaš osumnjičen je za krivična djela ovjeravanje neistinitog sadržaja, podstrekivanje na zloupotrebu položaja, davanje dara i drugih oblika koristi te za pranje novca.

Počinjenjem ovih krivičnih djela Esed Radeljaš pribavio je sebi i drugima protupravnu imovinsku korist od skoro milion maraka. Ostale tri osumnjičene osobe Radeljašu su omogućile da kroz upravni postupak neza-

konitostekne novaci i imovinu – kazala je Azra Bavčić, portparol Tužilaštva KS.

Osumnjičeni će, nakon kriminalističke obrade u Državnoj agenciji za istrage i zaštitu, biti predati u nadležnost Tužilaštva KS. Nakon što ih sasluša postupajući tužilac, odlučit će o daljnjim mjerama.

Jasmina Horo je pomoćnica bivšeg načelnika općine Novi Grad Damira Hadžića, Nedžad Kapetanović je bivši pravobranilac u Općini Novi Grad, dok je Jusuf Čaušević, šef Odsjeka za imovinsko-pravne poslove Općine Novi Grad.

Reporter "Dnevnog avaza" bili su jučer u sarajevskom naselju Nedžarići, gdje su vršeni pretresi u Radeljaševoj kući. Do ovog impresivnog zdanja smješten je i servis za automobile, kojim upravlja njegova kćerka.

O Radeljašu je mnogo toga poznato, ali ga je, prije svega, "proslavila" čarlama s imenom, kada je 2005. promijenio ime u Esad te, zbog zastare, nikada nije otišao iza rešetaka iako ga je Vrhovni sud Federacije BiH pravnosnažno osudio na godinu zatvora.

S obzirom na to da je adresu stanovanja imao na području Sarajeva, odluka o upućivanju na izdržavanje zatvorske kazne pala je na tadašnjeg predsjednika Općinskog suda u Sarajevu Gorana Salihovića.

Prodavnice i mesare

Ovaj sudija uputio je Radeljašu prvi poziv za dolazak u zatvor u oktobru 2005. godine, ali se osuđenik nije odaz-

vaoni nakon drugog poziva.

Radeljašu je 2006. godine Općina Novi Grad dodijelila zemljište u Nedžarićima uz naknadu od 51.340 KM, i to bez javnog poziva. Saglasnost je tada dao pravobranilac Nedžad Kapetanović, dok je dodjelu zemljišta vodio Jusuf Čaušević. Obojica su jučer uhapšena.

Radeljašu je to zemljište oduzeto 2010. godine, jer nije ispoštovao ugovorne obaveze i u predviđenom roku na njemu izgradio poslovni objekt. On je u to vrijeme bio vijećnik u Općinskom vijeću Novi Grad i od Općine je tražio odštetu za oduzeto zemljište. Odštetu mu je odobrena u 23 puta većem iznosu od naknade koju je platio. Isplaćeno mu

je više od milion maraka.

U nedavnom intervjuu za naš list, na pitanje je li ikada prevario državu BiH, odgovorio je:

- Nisam. Ono zemljište u Nedžarićima uzeto je po općinskoj

cijeni. Kad je zemlja meni dodijeljena, tržišna cijena se priomijenila.


Onda su tako pričali da sam ja nešto prevario. Nije to prevara – kazao je Radeljaš.

Pitali smo ga tada i kako se obogatio.

- Bio sam četiri godine delegat u Domu naroda. Tamo su plaće solidne, 4.000 KM, pa sam, onda, radio u Njemačkoj. Od tada sam počeo, prodavnice, mesare, servisi – pojašnjavao je Radeljaš. **E. TRAKO**



- ▶ 2005. godine promijenio ime u Esad, predmet zastario i nije otišao iza rešetaka
- ▶ Goran Salihović, tadašnji predsjednik Općinskog suda u Sarajevu, iste godine u oktobru uputio prvi zahtjev za dolazak Radeljaša u zatvor, ovaj se nije pojavio ni nakon drugog
- ▶ 2006. godine Općina Novi Grad dodjeljuje Radeljašu zemljište u Nedžarićima uz naknadu od 51.340 KM
- ▶ 2010. godine zemljište mu oduzeto jer nije ispoštovao ugovor
- ▶ Nakon toga tražio odštetu od Općine, isplaćeno mu 23 puta više novca, više od milion maraka



Ovaj dokument služi samo za internu upotrebu. Redistribucija i kopiranje bez saglasnosti vlasnika autorskih prava su zabranjeni!

Pretresi jučer u Nedžarićima

Radeljaš je imenovan i za predsjednika Upravnog odbora Zavoda zdravstvenog osiguranja Kantona Sarajevo i dobio priliku da upravlja budžetom od više od 300 miliona maraka

Porodica Radeljaš posjeduje vrijedne nekretnine u Sarajevu, Ustikolini i Foči. Radeljaševi bivši poslovni partneri podnijeli su Općinskom sudu u Sarajevu tužbe protiv njega

Šta su radili Čaušević i Kapetanović?

Jusuf Čaušević, aktuelni zaposlenik Općine Novi Grad, vodio je postupak dodjeljivanja zemljišta Radeljašu, a saglasnost je dao pravobranilac Nedžad Kapetanović, kojem je Radeljaš godinu poslije za deset hiljada maraka prodao svoju

vikendicu na sarajevskom izletištu Bijambare. Radeljaš je prethodno tu vikendicu kupio od sudije Kantonalnog suda u Sarajevu Vladimira Špoljarića, koji je bio uključen u njegov sudski proces.

Sudija Špoljarić trebao je

ispraviti grešku napravljenu u presudi protiv Radeljaša, gdje je, umjesto imena Esed, upisano Esad. Esed Radeljaš ušao je u politiku 2008. godine, kada je, kao kandidat Bosanske stranke BOSS, osvojio mandat vijećnika u Općini Novi Grad.